

Onderliggende motie is
unaniem aangenomen
op 4 maart 2021

Voorzitter

Griffier



Griffie ER Bonaire	
Ingek.:	MAR 04 2021
Volgnummer:	ER-2021000156
Griffier:	Uitv.:

Moshon

**Entrega: Dra. Esther J. Bernabela
Frakshon UPB**

Den reunion di Konseho Insular di kua nos a reuní den konsenso i konkordansia síviko, unda nos ta mira aktivamente riba nos desaroyo sosio ekonómiko intenshoná (OECD) huntu ku nos merkado di produkshon laboral (ILO) fundamentá, kaminda tur partidonan i frakshonnan den nos kolegio legislativo tin e intenshon mas haltu pa uni den e momento mas impaktante, históriko i preokupante di nos isla den último siglo, unda nos komo Kolegio Legislativo, ke kombati i redusí e efektonan di Corona Virus, Covid-19.

Efektonan ku a hiba nos komunitat na un paro di produkshon i subida di pobresa ku ya tabata latente den nos komunitat Boneriano, y ku awor ta palpabel y visibel ta presentá e siguiente moshon, huntu ku e siguiente deseonan di motivashonnan konhuntamente ku konsiderashonnan válido i urgente dirigí na nos Kolegio Ehekutivo di Boneiru.

Konsiderando

1. Ku nos komo partidonan polítiko i frakshonnan den Konseho Insular, tin e firme konvikshon pa derota e efektonan negativo di Covid-19, huntu ku e siensia higiéniko i ekonómiko pa trese solushon duradero na nos komunitat su produkshon di komersio i di sektor laboral.
2. Ku den temporada di krísis tur sektor den komunitat lesa: polítiko, sindikal, industria i komersial mester uni forsa pa stimulá i redifini nos proseso ekonómiko pa

redirekshona nos vishon ekonómiko den un mundu kambiante digitalisá i ekonomianan rekondishona na mundu.

3. Ku mester kuminsá pensa riba un Direktora di Ekonomia i Estadistika di planifikashon di desaroyo sosio ekonómiko pa nos aparato di Entidat Públiko di Boneiru por plania i verifiká su maneho ekonómiko e implementashon di nos merkado sosio empresarial i merkado finansiero bankario di Boneiru.

4. Ku e moshon aki, ta un preludio di aserkamentu di kreashon di mas siensia i téknika di su maneho ekonómiko i laboral, implementashon di estudio, i maneho estilo “Economisch Plan Bureau”, unda nos ekonomia por ser planifiká lokalmente i den su konteksto di e ekonomia di Reino integralmente na bienestar di Boneiru.

5. Ku nos Konseho Insular di Boneiru ta manda un mensahe kristalino manera un glas di awa puru di Boneiru, ku nos komunidad Boneriano, ke traha pa su ingreso di mantenshon di su base produktivo ekonómiko, laboral i di impuesto na nos isla di Boneiru.

6. Ku nos Konseho Insular di Boneiru huntu ku su Kolegio Ehekutivo di Boneiru ta preokupá ku desaroyo resien, pero sin duda ta buska solushon pa rekursionan nobo drenta nos ekonomia i nos komunidad den su totalidat, unda nos por dependé riba akshon inovativo i resiliente di nos pueblo di Boneiru.

7. Ku Konseho Insular ta apoyá inisiativanan di e sektor di NGO desde 1997 huntu ku inisiativa di sektor priva desde 2020 den impulso positivo pa establese un Fondo di Invershon pa desaroyo di vishon fiduciario ekonómiko i proyektonan produktivo lokal riba nos isla di Boneiru.

8. Ku nos empresanan lokal i institutonan gubernamental Boneriano mester di kapitalisashon fresku, renová gerensia di empresa, huntu ku un vishon dinámiko i revitalisashon di nos struktura empresarial i laboral di Boneiru, unda tur solushon den bida tin su siensia di ehekushon, igualmente tambe na Boneiru y su komunidad.

Ta Disidí:

- A. Pa invitá i instruí Kolegio Ehekutivo di Boneiru, pa aktivá i reforsá e resolushon tuma den reunion di Kolegio Ehekutivo fecha 15 Yanüari 2014, numerá 2014000889; manda pa departamento di Finansa i Direktorado di Medio Ambiente i Urbanisashon.
- B. Pa instalá un Komishon di Implementashon di un Banko di Desaroyo pa Boneiru di kua ta enserá repartishon di bienes ta ser repatriá for di eksterior pa kapitalisashon di un Fondo ekonómiko Boneriano.

- C. E komishon mester krea un preludio di estabilisimento di un Fondo ku konsepto semi-gubernamental pa Boneiru.
- D. E komishon mester establese un relashon altamente fidusiaro, unda supervishon i transparensia ta ser garantisá ku normanan di Basel Tres, OECD, Banko Sentral (DNB), Banko di Desaroyo Europeo i Hulanda, unda e institutonan finansiero por operá i ehekutá riba nos merkado BES.
- E. Pa apuntá un siudadano profeshonal den e funshon di Representante di Boneiru den e instituto OBNA na Kòrsou pa kuminsá representashon berdadero den e instituto OBNA.
- F. Konseho Insular di Boneiru ta invitá i instruí Kolegio Ehekutivo pa entrega un informe o presentashon di e Fondo, no mas tarda ku 1 Mei 2021.

Moshon entrega pa Frakshon UPB den Konseho Insular Fecha 24-02-2021, presente den sala di reunion di Konseho Insular di Boneiru, edifisio Passangrahan.

Ta pasa pa orden di dia

Frakshon UPB

Drs. E. J. Bernabela



Sr. N. F. Silberie

